

ERASMUS+

Convocatoria curso 2022-2023

Mobilidades de alumnado de Ciclo Superior para realizar prácticas de FCT e recién titulados, co Consorcio de Mobilidade Proxecto 2020-1-ES01-KA103-079499, e o Proxecto propio

1 Obxecto:

Ábrese o prazo de presentación de solicitudes para a realización de prácticas de FCT, así como de titulados de Ciclo Superior, dos alumnos do CIEFP A Granxa interesados en realizar unha mobilidade Erasmus+, nos países europeos do programa.

Duración: Ciclos medios, 79 días no caso de FCT, e 100 días para titulados

Quen pode participar: Poderá concorrer a esta convocatoria o alumnado que estea cursando ciclo superior durante os cursos 2021-2022 e 2022-2023, ou ben que acadara a súa titulación de grao superior nos 12 meses anteriores ao fin da mobilidade, no CIEFP A Granxa.

Non poderá ter a condición de beneficiario das axudas previstas nesta resolución o alumnado e o persoal que incorra nalguna das circunstancias previstas no artigo 10.2 da Lei 9/2007, do 13 de xuño, de subvencións de Galicia.

A persoa solicitante debe cumprir os requisitos para obter a condición de beneficiario/a de acordo co artigo 10 da Lei 9/2007, do 13 de xuño, de subvencións de Galicia, de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha débeda coa Administración pública da Comunidade Autónoma segundo indica o artigo 11 do Decreto 11/2009, do 8 de xaneiro, polo que se aproba o Regulamento da Lei 9/2007.

Número de prazos:

- Número indefinido de prazos, tanto para FCT como para titulados (repartiranse por orden de petición á Consellería.)

2 Comisión avaliadora

1. A selección das persoas candidatas será realizada por unha comisión avaliadora que estará integrada por:
 - Presidente/a: a persoa que exerce a dirección do centro educativo ou persoa en quen delegue. (María Jesús Pena Fariñas)
 - Vogais: O/a coordinador/a de programas europeos. Dous membros do equipo directivo do centro. (Ana Castro Puga, David Toural, Marjhory Vidal Edreira)
 - Secretario/a: un/unha profesor/a do centro, que actuará con voz e voto. (Sergio Piña)
2. Se por calquera causa, no momento no que a comisión avaliadora teña que examinar as solicitudes, algunha das persoas compoñentes non puidese asistir, será substituída pola persoa que para o efecto se nomee. Este nomeamento deberá recaer noutra persoa docente do centro educativo. (Eva Moreira Fontán).

3 Criterios de selección

Aplicaranse os seguintes criterios de avaliación :

1. Expediente académico (máximo 4 puntos).

Terase en conta a nota media obtida polo/a estudante no primeiro curso do ciclo formativo. (no caso de alumnado para realizar a FCT) ou na totalidade de módulos do ciclo formativo (no caso de prácticas de alumnado titulado).

- Se a nota media é de 6 ou menos: 2 puntos.
- Se a nota media é de máis de 6 e menos de 8: 3 puntos.
- Se a nota media é de 8 ou máis: 4 puntos.

2. Competencias lingüísticas no idioma do país de acollida ou idioma de traballo, no caso de que sexa diferente a do país de acollida (máximo 4 puntos).

A valoración das competencias lingüísticas farase tendo en conta as seguintes variables:

- Certificacións oficiais de competencias lingüísticas aportadas:

A1: 0,5 puntos

A2: 1 puntos

B1: 2 puntos

B2: 3 puntos

C1: 3,5 puntos

C2: 4 puntos

Non se terán en conta as titulacións de nivel inferior que levaron a adquirir outra de nivel superior. **Convalidacións oficiais segundo o marco europeo de linguas (ver anexo 2)**

- Calquera outro método para probar as competencias lingüísticas decidido polo comité de selección.

3. Competencias persoais e actitudes (máximo 4 puntos).

O comité de selección considerará para este criterio a valoración das actitudes e comportamento do alumnado, tendo en conta as opinións e a información dada por aqueles que ensinen ao estudante en particular, dando máis puntos a aqueles alumnos/as considerados/as baixo este criterio máis adecuados para formar parte destas mobilidades.

Acórdase por unanimidade valorar a actitude da seguinte forma:

- Ata un máximo de 1 punto a motivación, autonomía, madurez, compromiso co programa, habilidades comunicativas (a partir do informe do titor, do equipo didáctico e considerárase o informe do orientador do centro).
- Valorar con 1 punto por non ter expediente sancionador.
- Ao alumnado que teña expediente sancionador, se valorará o seu caso particular.
- Os dous puntos restantes ata alcanzar o máximo de catro, acadaranse mediante unha entrevista persoal, e **unha carta de motivación** na que o alumno explicará o interese a nivel persoal e profesional en realizar unha mobilidade Erasmus+.
- Deberase obter neste apartado un mínimo de 2 puntos para poder ser seleccionado.

4. Outros. No caso de empate nos méritos darase prioridade, pola seguinte orde:

4.1 Aos estudantes de contornas socioeconómicas menos favorecidas. (Alumnos que haxan desfrutado de Beca MEC durante o curso pasado).

4.2 Aos estudantes que nunca participaran nas mobilidades do Programa Erasmus+

5. **Cláusula de exclusión:** por causas sobrevindas que impidan o adecuado aproveitamento da mobilidade.

4 Prazo e presentación de solicitudes

1. As persoas que reúnan os requisitos para participar nesta convocatoria presentarán a solicitude normalizada, segundo o anexo desta convocatoria.
2. Enviar ó correo programas.internacionais.cifp.granxa@edu.xunta.gal indicando o tipo de modalidade (FCT ou Titulado), e o ciclo no que están matriculados.
3. Achegarán toda a documentación acreditativa dos méritos fotocopiada ou escaneada, xunto cos orixinais para seren cotexados.

4. **Prazo de inscrición:** dende a data de publicación ata o **venres 30 de setembro de 2022, antes das 23:59 horas.**

5 Contías das axudas

Os importes das axudas por mes varían segundo o país no que se realizan as mobilidades e o tipo de mobilidade realizada.

Os importes aprobados por país e modalidade (viaxe + apoio individual) polo Programa Erasmus+ son os que figuran na seguinte táboa

	Países de destino	Importe por mes	Importe por mes (Bolsa Mec)
Grupo 1	Dinamarca, Finlandia, Irlanda, Islandia, Liechtenstein, Luxemburgo, Noruega, Reino Unido e Suecia	400 Euros/mes	500 euros/mes
Grupo 2	Alemaña, Austria, Bélxica, Chipre, Francia, Grecia, Italia, Malta, Países Baixos, Portugal	350 euros/mes	450 euros/mes
Grupo 3	Bulgaria, Croacia, Eslovaquia, Eslovenia, Estonia, Hungría, Letonia, Lituania, Macedonia do Norte, Polonia, República Checa, Romanía, Serbia, Turquía	300 euros/mes	400 euros/mes

As prazas de mobilidade estarán dispoñibles ata a data de finalización de proxecto, o 31 de maio de 2023.

6 Adxudicación de axudas

Unha vez revisadas e valoradas as solicitudes, farase pública, no taboleiro Erasmus e na web do centro, o listaxe provisional dos candidatos e a súa puntuación. En caso de non estar conforme ou detectar algún erro, disporán de **cinco días** para solicitar revisión. Unha vez consumido este prazo, entenderase a conformidade da listaxe.

7 Renuncia á axuda

1. No caso de que por motivos xustificadas un/unha beneficiario/a non poida facer a mobilidade para a que ten concedida unha axuda, este/a deberá presentar na coordinación de programas internacionais un escrito de renuncia. Adxudicarase a praza que queda vacante ao/á primeiro/a solicitante que figura na listaxe de reserva.

2. Se o/a beneficiario/a tivera percibido un anticipo da axuda deberá reintegralo de acordo co procedemento que se recolle no Regulamento da Lei 9/2007, de subvencións de Galicia, que se lle comunicará por escrito cando se resolva a aceptación da renuncia.

8 Pagamento das axudas ó alumnado

1. As axudas faranse efectivas directamente ao alumnado beneficiario, en dous pagamentos, a través da conta bancaria indicada para tal efecto.

2. O primeiro pagamento será realizado en concepto de anticipo, polo importe do 80% da axuda concedida, unha vez que o/a beneficiario/a e o/a director/a do centro educativo asinen o convenio de subvención Erasmus+ Educación Superior para estudos e/ou prácticas entre países do programa, segundo o modelo establecido polo Programa Erasmus+.

3. Unha vez que o/a beneficiario/a remate a súa mobilidade, nos 30 días posteriores, terá que cubrir un cuestionario en liña na aplicación da Unión Europea (EU Survey), de acordo co establecido no Programa Erasmus+, e presentar un certificado da empresa conforme realizou as prácticas, coas data de comezo e remate da mobilidade. Esta enquisa individual considerarase solicitude de pagamento do 20% restante da axuda do/a beneficiario/a. No caso de que as datas de realización da mobilidade do alumnado fosen inferiores aos 90 días, o pago do 20% restante minorarase de acordo co establecido no convenio de subvención.

4. A persoa beneficiaria está obrigada a comunicarlle á entidade concedente ou, se é o caso, á entidade colaboradora, a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

Aclaracións

Esta convocatoria rexirase en todos os seus puntos pola “RESOLUCIÓN DA CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES POLA QUE SE APROBAN AS BASES REGULADORAS E SE CONVOCAN AXUDAS DE MOBILIDADE PARA O ALUMNADO E O PERSOAL DE CICLOS FORMATIVOS DE GRAO MEDIO E FP BÁSICA DE CENTROS EDUCATIVOS PÚBLICOS QUE IMPARTEN FORMACIÓN PROFESIONAL E QUE FORMAN PARTE DO CONSORCIO DE MOBILIDADE QUE DESENVOLVERÁ UN PROXECTO KA102 CON MÚLTIPLES BENEFICIARIOS NO MARCO DO PROGRAMA ERASMUS+. PROXECTO 2020-1-ES01-KA103-079499. “, que se pode consultar no seguinte enlace:

http://www.edu.xunta.gal/fp/webfm_send/9879

9 Anexos

Anexo 1

http://www.edu.xunta.gal/fp/webfm_send/9891

Anexo 2

Solicitude de participación nos programas europeos do CIEFP A Granxa 2022-2023

Anexo 3

Titulacións susceptibles de acreditación, segundo o Marco común europeo de referencia para as linguas